



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Hermanni Conringii De Antiquitatibus Academicis Dissertationes

Conring, Hermann

Helmeftadii, 1674

Hermannvs Conringivs Benevolo Lectori S. P. D.

**urn:nbn:de:hbz:466:1-12929**

HERMANNVS CONRINGIVS  
BENEVOLO LECTORI

S. P. D.

**S** Ex hacce de Antiquitatibus Academicis  
Dissertationes in publicis Academia Ju-  
lia conuentibus, intra quadriennium, ab  
anno usq; post tricesimum septimo, abs-  
me habitas esse, ipsamet earum inscriptiones signifi-  
cant. Tam prolixè tamen omnia dicta non esse, ul-  
tro fateor. Et vero molestum fuisset auditoribus,  
adeo longis sermonibus prabere aures. Nec conue-  
nit prudentia oratoris, defatigare eos, quos benevo-  
los semper atq; attentos habere ipse orationis cuiusq;  
scopus efflagitat; ac proinde à me etiam sanctè obser-  
uari idem oportuit, praesertim quia qua vis vice mul-  
ta quoque alia agere feria solemnes iusserunt. Igitur  
in illam qua nunc sunt magnitudinem exereuerunt  
Dissertationes decimo demum post anno: quando  
nimirum in unum volumen redactas in lucem edere  
illas institui. Tunc scilicet alia mutare, alia  
complura addita; non nisi interpolando tamen, atq; in-  
serta prioribus: ut qua nova sint, qua vetera, discer-  
ni nunc amplius nequeat. Caterum illius editionis  
exempla omnia breui fuerunt auida emptorum ma-

);( ):( 2

nu di-

nu distracta: sive insperata novitas argumenti sive  
qua alia hederam venditionem festina verit: qua  
propter sapissime & recensio & nova publicatio li-  
bri à me petita & desiderata fuit. Nunc tamen  
tandem, quarto & vicesimo post anno, infinitis &  
plane diversis occupationibus interea temporis tan-  
tum non attritus, ut exspectationi isti quadamtenus  
saltim respondeam, potui adduci. Hac sane recen-  
sione plurima passim in Dissertationibus ipsis sunt  
emendata: & accessit ejusdem cum Dissertationi-  
bus argumenti Novorum Supplementorum liber in-  
teger. Supplementorum inquam novus liber acces-  
sit. Non enim denuo interpolare ipsas Dissertatio-  
nes placuit: nec commode id ipsum fieri potuit absq;  
Dissertationum labe, quum plane alia & quidem  
prolixa debuerint accedere, cujusmodi non patiun-  
tur insertionem. Id quod Supplementa excutienti  
cuilibet non potest non liquidum videri. Quantum-  
vis autem Supplementa ista doceant multa quae Dis-  
sertationibus haud continentur; omnia tamen omni-  
no Academica vetera ne sic quidem me persequu-  
tum, ingenue confiteor. Quinimo ne quidem tangere  
universa isthac consilium fuit. Singulas sane si specte-  
mus Scholas ejusmodi Academicas priscaevi, mul-  
tas earum de industria silentio praterii, quod singu-  
gulas

las illarum recensere non constituiſſem ſed duntaxat  
antiquum Academiarum ſtatum: idq; in id ſolum  
ut rectius intelligi poſſit, quid rerum noſtrarum vetus,  
quid novum, atque adeo qua origine & quando ſal-  
tim potiſſima quæque noſtra inceperint. De ſingu-  
lis agere eſt opera à meo quidem propoſito diverſa:  
ejus nimirum quam Middendorpius excolendam  
ſuſcepit, etſi argumento illi multum fuerit impar.  
Complura cateroquin hujus generis in Adverſariis  
noſtris annotavimus, de Philoſophicis cum primis &  
Medicis Scholis Græcarum aliarumque gentium,  
hic conſulto neglecta. Ne quidem jaçta verim ve-  
ro, nihil à me omiſſum quod ad hunc locum meum per-  
tineat, atq; adeo nullum poſſe ſpicilegium fieri poſt  
meam meſſem. Pleraque & potiſſima quævis An-  
tiquitatum Academicarum ſi exiſtimer cum cura  
perſecutus, ſatis forte mihi fuerit; quando quidem pri-  
mus, niſi fallor, materiam hanc eruderare ſum aggreſ-  
ſus. Quod de eſt addant alii: ſitq; proinde ex hoc la-  
bore præmium aliis quoq; mecum commune. Et ſane  
ipſe optaverim, ab aliis narrari iſthac omnia, juſta  
temporum gentiumq; ſerie obſervata: quod niſi fallor  
haud multum jam fuerit difficile; non utile a utem mi-  
nus, atq; prodeſt ordine rerum quarumvis civilium  
hiſtoriam recitare. Sane hac etiam qua nos narra-  
vi-

mus necessaria sunt scitu ad perfectionem historia  
literaria: cuius sola illa partes qua circa scriptores o-  
mnigena doctrina versantur haecenus elaborata sunt;  
nec tamen etiam illa omnes, etsi pra aliis magnum  
heic pretium opera fecerit vir incomparabilis indu-  
stria Gerardus Joannes Vosius. Est autem, saltem  
esse merito oportet, etiam hoc Historia genus, iis qui  
eruditionis studio ducuntur, non minus jucundum  
aut minus commodum, quam civilium rerum comme-  
moratio juvat eos qui civilibus negotiis delectantur.  
Mibi certe à teneris usque Historia literaria fere  
plus voluptatis attulit quam ulla civilium. Taceo  
nunc, conducere etiam hanc ad civilem prudentiam;  
non omnem quidem, illam tamen qua constituere de-  
bet, quemadmodum & in quantum eruditio qua vis  
in republica sit comparanda per scholas & alia  
doctrina adminicula. Etiam enim hoc pertinet ad  
vere beatam rempublicam: non sane civitas ulla est  
felix si eruditione fuerit destituta, artium insignium  
ac scientiarum rudis. Ad hanc autem prudentia civi-  
lis partem parandam non minus hac literaria est histo-  
ria utilis, atque ad alia civilis regiminis omnia pacis  
bellique rerum multiplex commemoratio. Quod for-  
tassis haud difficile possit etiam à me ostendi, si institu-  
tum pateretur, aut hoc agere vacaret. Supplementis  
praeterea

præterea proxime subjunximus Diploma Optimi & Sapiientissimi Imperatoris Maximiliani secundi, illud quo Juliam hanc nostram Academiam condidit. Repeti enim etiam heic meretur, quia editione Dissertationum prima jam tum productum est; præcipue autem, quia vergit in perpetuam Academia nostra laudem, ab illo Cesare, qui nemini hæctenus moderatione animi inter diversa de sacris profanisq; Imperii rebus sentientes fuit secundus, auctoritatem atq; originem suam, imo si fas est addi, etiam exemplum quod imitetur, accepisse; quodque præ aliis sui ordinis scholis fuerit isthoc ipso diplomate Julia hæc exornata Adjunximus præterea & Epistolam V. C. Joannis Joachimi Maderi amici non è multis, quam ad me de vetustis Academiæ rebus exaravit. Ut enim auctor rerum multarum veterum peritia est eximius, ita & hæc ejus epistola visa mihi est digna quæ ab omnibus heic quoq; & legatur & æstimetur. Postremo duxi haud futurum abs re, si ex more hujus ævi perquam utili, memorabilium quarumvis utriusque libri rerum locupletibus indicibus volumen hoc perficiatur. Et sane meo quidem voto abunde ab amicis hæc est satisfactum: nec dubito proinde hinc Lectoribus, saltem iis qui compendia laborum nec injuriâ

juris sectantur, haud leve commodum polliceri.  
Dum recenseo autem omnia, fateor occurrisse que  
scribentis industriam effugerunt, atque adeo potuissent  
haud inutiliter addi: sed colophonem imponere vale-  
tudo quoque minus solito nunc favens imperat. Tantum  
igitur unum illud moneo: quae pag. 222, Supplemento  
VII, ex Suida adduxi, totidem pene verbis, in ipsis  
vita Isidori Philosophi Atheniensis à Damascio Da-  
masceno olim scripta Photianis Excerptis reperiri: ut  
hinc quoque pateat inscitia superbi illius & iniqui in-  
eptique scioli, qui Suida omnia credit deberi solis iis  
quorum nomina operis primae paginae leguntur in-  
scripta. Alia ut moneam, nec Tu, Lector Benevole,  
fortassis exposcas. Igitur nunc quidem nihil Te rogo  
aliud, quam ut favere mihi ne desinas, & ignoscas  
alicubi cespitanti, memor communis mortalium  
imbecillitatis. Helmeftadii 11x Kal. Augusti Anno  
CIC IC LXXIV.

DE